



REPUBLIKA E KOSOVËS/REPUBLIKA KOSOVA

GJYKATA THEMELORE GJILAN

Numri i lëndës: 2024:000758
Datë: 26.02.2024
Numri i dokumentit: 05373582

CN.nr.197/2023

GJYKATA THEMELORE NË GJILAN - Departamenti i Përgjithshëm - Devizioni Civil, gyqtarja Florije Qerimi, me bashkëpunatoren profesionale Shkurte Kadriu, në procedurën jo kontestimore të propozuesit Xh. Xh. nga Gj., Rr. "N. D.", nr.54., lidhur me konstatimin e datës së vdekjes, për të ndjrrët N. Xh. dhe A. Xh.. Sh. që të dy nga Gj., pas mbajtjes së seancës dëgjimore me datë 05.02.2024, ndërsa më datë 23.02.2024, përpiloi këtë:

A K T V E N D I M

I. APROVOHET si e bazuar kërkesa e propozuesit Xh. Xh. nga Gj..

II. VËRTETOHET se:

- N.Xh., i lindur më datë 01.01.1891, në fshatin D., Komuna e Gj., nga babai Xh. dhe nëna K., ka vdekur në Gj.n me datë 26.12.1981 dhe

- A. Xh. e gjinisë Sh., e lindur me datë 01.01.1909, në fshatin S., nga babai Sh. dhe nëna R., ka vdekur në G. me datë 13.02.2002.

III. Pas plotfuqishmërisë së këtij aktvendimi, i njëjti do t'i dorëzohet, Zyrës së Gjendjes Civile në Gjilan, për të bërë regjistrimin e faktit të vdekjes në librin amzë të të vdekurve.

A r s y e t i m

Propozuesi Xh. Xh., më datë 21.12.2023 në këtë gjykatë ka paraqitur kërkesë për konstatimin e datës së vdekjes të prindërve të tij . Xh. dhe A. Xh., duke theksuar që me rastin e kërkesës për certifikata të vdekjes së prindërve të tij në Komunën e Gj.t., pasi që i njëjti në dy rastet e ka lajmëruar faktin e vdekjes së tyre dhe ka menduar që kjo çështje është kryer, të njëjtit i kanë thënë gojarisht se nuk kanë shënime për faktin e vdekjes as për N. Xh. dhe as për A. Xh.. Andaj, propozuesi i ka propozuar gjykatës që të aprovoj propozimin dhe të merr aktvendim me të cilin do të konstatohet data e vdekjes së prindërve të tij, me qëllim që të bëhet regjistrimi në librin amzë të të vdekurve dhe të filloj shqyrtimi i trashëgimisë.

Pas shqyrtimit paraprak të propozimit, gjykata ka caktuar seancën e datës 29.01.2024, në të cilën seancë propozuesi ka mbetur pranë propozimit të dorëzuar pranë kësaj gjykate, për konstatimin e datës së vdekjes së prindërve të tij N. Xh. dhe A. Xh., ku sipas certifikatës së lindjes së tij babai i tij N. Xh., ka lindur me datë 01.01.1891, në fshatin D., dhe i njëjti ka vdekur në Gjilan me datë 26.12.1981, dhe A. Xh. e gjinisë Sh., e lindur me datë 01.01.1909, në fshatin S., dhe e njëjta ka vdekur në Gj. me datë 13.02.2002, e të cilët janë varrosur në varrezat e qytetit sipas traditave fetare islame..

Gjykata për vërtetimin e drejtë të gjendjes faktike në këtë çështje juriidke në procedurën e të provuarit i ka administruar këto prova: Certifikata e lindjes me nr. serik L25469442 e datës 12.12.2023; Vërtetimi i lëshuar nga Drejtoria e Administratës së Përgjithshme me nr.010905 e lëshuar me datë 31.01.2024 nga ZGJC në Gjilan; Vërtetimi me nr.12076/24 i datës 01.02.2024 nga ZGJC në P.-Gjilan.; Dëgjimi i dëshmitarëve K.r K. dhe S. E. nga Gj., si dhe propozuesi Xh. Xh. në cilësi të palës.

Pasi që gjykata e bëri vlerësimin e secilës provë veç e veç, mbeshtetur nga dispozitat e nenit 8 te LPK-së, arriti në përfundim se në këtë çështje juridike civile duhet vendosur si në dispozitiv të këtij aktvendimi, andaj edhe:

Propozimin e propozuesit e aprovoi si të bazuar.

Nga certifikata e lindjes me nr. serik L25469442 e datës 12.12.2023, gjykata vërtetoi faktin se propozuesi Xh. Xh.i, i lindur me datë 21.11.1947 në fshatin D., është fëmija i N. Xh., i lindur me datë 01.01.1891, në fshatin D., dhe A. Xh. e gjinisë Sh.i, e lindur me datë 01.01.1909, në fshatin S..

Nga vërtetimi i lëshuar nga Drejtoria e Administratës së Përgjithshme me nr.010905 e lëshuar me datë 31.01.2024 nga ZGJC në Gjilan, gjykata vërtetoi faktin se A. Xh. e lindur me datë 01.01.1909, në fshatin S.r, nga e ëma R. Sh. dhe babai Sh. Sh. nuk është e regjistruar në Librin e Amzës së të lindurve-Vdekurve pranë Shërbimit të Gjendjes Civile në Gjilan, ZGJC-e Pogradjë.

Nga vërtetimi me nr.12076/24 i datës 01.02.2024 nga ZGJC në Pogradjë-Gjilan, gjykata vërtetoi faktin se N. Xh., i lindur me datë 01.01.1891, në fshatin Dunav, nga e ëma K. dhe babai Xh., i cili ka vdekur me 26.12.1981 në Gjilan, nuk është i regjistruar në Librin e vdekjes.

Nga dëgjimi i dëshmitarit K. K., i dëgjuar në seancën e datës 05.02.2024, i njëjti ka deklaruar që të ndjerin N. e kishte pasuri kushëri, ku i njëjti deri në vitin 1973-74 kishte jetuar në fshatin D., dhe atëherë kishte ardhur për të jetuar në Gjilan, së bashku me gruan e tij A., tre djemtë Xh., N. dhe A. dhe vajzën H.. Sipas tij N. kishte ndërruar jetë me datë 26 Dhjetor 1981, ndërsa gruaja e tij A. kishte ndërruar jetë me datë 13 Shkurt 2002 në Gjilan, dhe që të dy kanë qëndruar në një bashkësi familjare me Xh. dhe janë varrosur në varrezat e qytetit në Gj..

Nga dëgjimi i dëshmitarit S. E., i dëgjuar në seancën e datës 05.02.2024, i njëjti ka deklaruar që N. kishte jetuar në fshatin D., deri kur kishte ardhur në Gjilan, me familjen e tij si tre djemtë N., A. dhe Xh. dhe vajzën H.. Sipas tij N. kishte ndërruar jetë një javë para vitit të ri me datë 26.12.1981, ndërsa gruaja e tij A. kishte ndërruar jetë me datë 13.02.2002 në Gjilan, ku të njëjtit ishin varrosur në varrezat e qytetit të Gjilanit.

Propozuesi Xh. Xh., i dëgjuar në cilësi të palës në seancën e datës 05.02.2024, ka deklaruar që me prindërit e tij Ne. Xheladin.i dhe Az.Xh. ka jetuar së bashku me vëllaun e tij A., ku kenë qenë tre vëllezër dhe një motër. Po ashtu i njëjti ka deklaruar që babau i tij i ndjeri Nexhip . ka vdekur në Gjilan me datë 26.12.1981, dhe nëna Azbije Xheladini po ashtu e njëjta ka vdekur në Gjilan me datë 13.02.2002, e të cilët janë varrosur në varrezat e qytetit të Gjilanit.

Bazuar në dispozitat e nenit 73 të Ligjit për Procedurën Jokontesitmore është paraparë *“Në qoftë se vdekja faktike e një personi nuk mund të provohet me anë të dokumentit të parashikuar me ligjin për librat amzë, çdo person që ka interes juridik të drejtëpërdrejtë dhe organi i kujdestarisë mund t’i paraqesin propozim gjykatës që me aktvendim të konstatojë vdekjen të këtij personi”*.

Në bazë të provave të administruara materiale dhe deklaratave të dëshmitarëve, gjykata erdhi në përfundim se propozuesi Xh. Xh.i, ka interes të drejtëpërdrejtë juridik të provohet fakti i vdekjes së prindërve të tij, kurse me provat e shtjelluara është vërtetuar vdekja e të ndjerëve N. Xh. dhe A.Xh.i, andaj gjykata në tërësi e aprovoi propozimin si të bazuar dhe vendosi si në dispozitiv të këtij aktvendimi, konform nenit 73 të LPKJ.

Gjykata Themelore në Gjilan –Departamenti i Përgjithshëm
CN.nr.197/2023, më datë 05.02.2024

Gjyqtarja,
Florije Qerimi

UDHËZIM JURIDIK: Kundër këtij aktvendimi është e lejuar ankesa në afat prej 15 ditëve, pas marrjes së të njëjtit, Gjykatës së Apelit, nëpërmjet kësaj gjykate.